

第十三節

關於餓鬼與祭祀相應之所以，及鬼趣之宿住智

(一) 緣起:(59a16)

(契經) 說：「生聞婆羅門來詣佛所，白佛言：『喬答摩！我有親里命過，欲施其食，彼爲得我食不？』」

世尊告言：『此事不定！所以者何？諸有情類有五趣別，若汝親里生地獄中，食地獄食以自存活，彼不能受汝食；生傍生趣、天趣、人趣亦復如是。

若汝親里生鬼趣中，則能受汝所施飲食。』

婆羅門言：『若我親里不生鬼趣，所施飲食誰當受之？』

佛語彼言：『餓鬼趣中，無汝親里無有是處。』乃至廣說。」¹

¹ 參見《雜阿含經》卷 37，大正 2，272b8~ c17。

(二) 分別敘述 :(59b7)

1、由彼趣(餓鬼) 法爾故

分別 趣	何時能憶 知他心	住何心 憶	何無 覆無記	何識	能憶幾生
地獄	初生	三性 (善、 惡、無 記)	威儀 路	意識	(1) 一生 (2) 五百 生
傍生	初、中、 後	三性	工巧 處、異 熟生	意識	(1) 一生 (2) 五百 生
餓鬼	初、中、 後	三性	威儀 路、工 巧處、 異熟生	意識	(1) 一生 (2) 五百 生

(問)：此生處得智，為憶知幾趣？(60c13)

(1) 有說：「各唯自憶知。」

(2) 有說：「地獄唯憶知地獄。傍生憶知二趣。餓鬼憶知三趣。天憶知五趣。」

※人趣無此生得處得智

2、由業異熟故

(1) 由彼長夜有此欲樂 (60c24)

【發智論】有人長夜起如是欲、如是愛樂：「我當娶婦，爲兒娶婦，爲孫娶婦，令生子孫紹繼不絕。我命終已，若生鬼趣，彼念我故，當祭祀我。」由彼長夜有此欲樂，是故祭祀則到，非餘。

謂彼由起如是欲樂，引發諸業生鬼趣中，是故祭祀則到，非餘。如諸聚落城邑中人，或爲子孫不斷絕故，或爲財產轉增盛故，或爲富名久流傳故，以法、非法集諸財寶牛羊等物，於己親屬尚不欲與，況施他人？彼由慳貪纏縛心故，捨人同分生鬼趣中，於自舍宅水竇廁溷不淨處住。

彼有親屬追戀生苦，作是念言：「彼集財產自不受用，亦不施人，今生何所？」遂集親里，請諸沙門、婆羅門等設大施會，願此資彼捨苦受樂。爾時餓鬼於自住處見如是事，於自親里生眷屬想，於其財物生已有想，即時歡喜，於福田所生信敬心，於其所作起隨喜心，便離重苦。由此因緣，祭祀則到。

(2) 分別是否他作業他受果 (61a15)

(問)：若爾，何故不名他作業他受果耶？

(答)：A、成順現受業，得現法果：

不爾！彼於爾時由生敬信、隨喜心故，見施功德、[見]

慳貪過失，由此增長捨相應思，成順現受業，得現法果故。

B、除想見倒：

{尊者} 世友說曰：「今所受果是先業所引先業有障以今業除之故，無他作業他受失。謂彼餓鬼先世已造感飲食業，但由障蔽心故，於所飲食起倒想見，不得受用。

然彼餓鬼有二種：一樂淨，二樂不淨。

彼樂淨者，以慳貪故，河見非河，水見爲血，所有飲食見爲不淨。

樂不淨者，河見乾枯，水見無水，滿飲食器，悉見爲空。

若彼親里爲設施會，彼便信敬，起隨喜心，見施功德，[見]慳貪過失，捨相應思得增長故，除想見倒，

彼樂淨者，見河是河，見水澄清，於諸飲食皆見淨妙；

樂不淨者，見河盈溢，見水是水，見飲食器悉皆盈滿，故彼親里祭祀則到。」

C、彼身心轉得強勝

有作是說：「彼先世亦有感飲食業，但由慳貪

所覆蔽故，今時感得怯劣身心，諸飲食處必有大力鬼神守護，彼怯劣故不能得往，設復得往亦不敢食。

若彼親里爲設施會，廣說乃至捨相應思得增長故，令彼身心轉得強勝，由此能至有飲食處，食其飲食。由此因緣祭祀則到，是故無有他作業他受果失。」

D、先所作業能與果

{大德}說曰：「彼先雖造感飲食業，以微劣故，未能與果。

若彼親里爲設施會，廣說乃至捨相應思得增長故，先所作業便能與果，故彼親里祭祀則到。由此無有他作業他受果失。」

(3) 若生餘趣，親里爲其修福業者，彼亦得不？(61b18)

(問)：若生餘趣，親里爲其修福業者，彼亦得不？

(答)：若彼亦能生於信敬、隨喜之心，令捨俱思得增長者，亦得其福。

(問)：若爾，此中何故不說？

(答)：A、應說而不說者，當知此義有餘。

B、有說：「此中從多分說，謂餓鬼中多有是事，餘趣不

爾故。」

C、有說：「鬼趣多有如是業故，謂造此業者，多生鬼趣故。」

D、有說：「鬼趣於人當希求故。」

E、有說：「鬼趣飢渴所逼，於一切處當有希望，是故偏說。」